

Premio Internacional Grupo Compostela-Xunta de Galicia

Bases

Artigo I – OBXECTIVO

O Premio Internacional Grupo Compostela-Xunta de Galicia busca recoñecer anualmente a persoas físicas ou xurídicas do ámbito académico, científico, social, cultural ou político, significadas polos seus traballos, estudos, investigacións e divulgacións en prol da unidade europea e da preservación do patrimonio cultural do Camiño de Santiago e dos seus valores, símbolo e orixe da creación do concepto de Europa.

Artigo II – PROPOSTA DE CANDIDATURAS

Poderán proboñer candidaturas ao Premio Internacional Grupo Compostela-Xunta de Galicia:

1. As Universidades socias do Grupo Compostela de Universidades.
2. A Xunta de Galicia.
3. Outras institucións europeas con rango oficial.
4. Os membros do Xurado.

Artigo III – ENVÍO DE CANDIDATURAS

Para a formalización de candidaturas:

1. Utilizar o formulario oficial facilitado en cada convocatoria pola Secretaría do Grupo Compostela de Universidades. Este formulario debe ser asinado polo máximo representante da institución –reitor, presidente ou equivalente– que presenta a candidatura.
2. Xunto co impreso oficial, deberá enviarse tamén un currículum vitae completo da candidatura (incluíndo os seus datos de contacto) e cantos documentos ou apoios se consideren pertinentes.
3. As candidaturas remitiranse por correo electrónico e con acuse de lectura, ao enderezo grupo.compostela@usc.es. A copia orixinal enviarase por correo postal certificado á

Secretaría do Grupo Compostela de Universidades (Casa da Cuncha, rúa da Conga, nº. 1, C.P. E15782 Santiago de Compostela).

As Universidades socias teñen ata o **15 de marzo de 2019** para presentar a documentación arriba citada. As candidaturas remitidas fóra de prazo e forma consideraranse nulas a todos os efectos.

Artigo IV – XURADO

O Xurado estará composto polas seguintes autoridades:

Presidente honorífico

Presidente da Xunta de Galicia.

Presidente

Conselleira de Educación, Universidade e Formación Profesional.

Vicepresidente

Presidente do Grupo Compostela de Universidades.

Membro nato

Reitor da Universidade de Santiago de Compostela.

Vogais

Dous representantes da Xunta de Galicia.

Dous reitores das Universidades socias do Grupo Compostela de Universidades.

Secretaria

Secretaria Executiva do Grupo Compostela de Universidades.

Artigo V – CRITERIOS DE SELECCIÓN

Para a emisión do fallo, o Xurado terá en conta os seguintes criterios:

1. O finalista ha de ter unha destacada relevancia e proxección internacional pola súa aportación á preservación do patrimonio cultural de Europa e ao desenvolvemento dos valores europeos de cooperación, integración, diversidade, tolerancia e unidade que rodean ao Camiño de Santiago.

2. O seu labor ha de estar vinculada ao compromiso social desde o ámbito académico, cultural e científico.
3. O seu perfil ha de permitir o establecemento de colaboracións multilaterais e sinerxías institucionais.
4. Non debe ter sido obxecto doutros galardóns similares de recoñecemento ofrecidos pola Xunta de Galicia.
5. Debe haber un certo equilibrio de xénero conforme á Lei de Igualdade de Xénero 3/2007 de 22 de marzo, para a igualdade efectiva de mulleres e homes.

No caso de que as candidaturas non reúnan o criterios indicados supra, o Xurado poderá declarar deserto o Premio.

Artigo VI – REUNIÓN DO XURADO E SISTEMA DE VOTACIÓN

Anualmente haberá unha única candidatura premiada, fallada polos membros do Xurado en reunión privada na Universidade de Santiago de Compostela.

Poderán votar todos os membros do Xurado, a excepción do Presidente honorífico e a Secretaria.

O sistema de votación será mediante voto cantado. Cada un dos membros do Xurado ha de indicar tres finalistas concedendo a seguinte puntuación:

- 3º finalista: 1 punto.
- 2º finalista: 2 puntos.
- 1º finalista: 3 puntos.

No caso de empate, procederá a realizar unha ou varias votacións para desempatar as candidaturas.

O finalista con maior puntuación será o gañador do Premio.

Artigo VII – PREMIO

O gañador recibirá unha cuncha de ouro, emblema do Grupo Compostela, e un premio en metálico 6.000 euros brutos.

Se o Premio recae sobre unha persoa xurídica de carácter público, esta deberá ceder a contía económica a unha entidade sen ánimo de lucro e vinculada ao seu mesmo obxecto (académico, investigador, social, cultural ou político).

Se o Premio recae sobre unha persoa xurídica de carácter privado ou sobre unha persoa física, a cesión da contía económica será opcional.

Artigo VIII – ENTREGA DO PREMIO

A cerimonia de entrega do Premio terá lugar no marco da asemblea xeral do Grupo Compostela de Universidades, a celebrar nunha Universidad socia.

Artigo IX – ORGANIZACIÓN

Todo o relacionado coa organización do Premio (información, correspondencia, interpretación das bases da convocatoria, etc.) é competencia da Secretaría do Grupo Compostela de Universidades.

*Nota: As bases deste Premio foron editadas en inglés, español, francés e galego. En caso de calquera discrepancia ou malentendido na súa interpretación, a versión en española terá sempre prioridade.